

Adroddiad i'r:	Pwyllgor Llywodraethu Corfforaethol
Dyddiad y cyfarfod:	22 Mai 2013
Aelod/Swyddog Arweiniol:	Aelod Arweiniol Cyllid ac Asedau/ Pennaeth Cyllid ac Asedau
Awdur yr Adroddiad:	Pennaeth Cyllid ac Asedau
Teitl:	Rôl y Pwyllgor Llywodraethu Corfforaethol yn y Broses o Bennu Cyllideb

1. Am beth mae'r adroddiad yn sôn?

- 1.1 Mae'r adroddiad yn amlinellu'r broses pennu cyllideb fwriedig ar gyfer 2014/15 a'r rôl y dylai'r Pwyllgor Llywodraethu Corfforaethol ei chwarae.

2. Beth yw'r rheswm dros lunio'r adroddiad hwn?

- 2.1 I geisio safbwyntiau'r Pwyllgor ar eu rôl yn y broses pennu cyllideb ddiwygiedig.

3. Beth yw'r Argymhellion?

- 3.1 Bod y Pwyllgor yn ystyried cynnwys yr adroddiad ac yn rhoi sylwadau am y newidiadau arfaethedig.

4. Manylion am yr adroddiad.

- 4.1 Cynigiwyd proses pennu cyllideb ddiwygiedig yn sesiwn Briffio'r Cyngor ym Mawrth. Fe wnaeth hyn leihau nifer yr aelodau oedd â rhan ym mhroses her y gyllideb, ond fe gynigiwyd hefyd bod y Pwyllgor Llywodraethu Corfforaethol yn darparu trosolwg o'r broses.

- 4.2 Mae'r Pwyllgor Llywodraethu Corfforaethol yn arolygu dulliau archwilio, rheoli'r trysorlys a chynhyrchu datganiad o gyfrifon y Cyngor, ac mae hyn yn edrych fel y cam nesaf rhesymegol i'r pwyllgor. Mae hefyd yn osgoi'r angen i sefydlu grŵp newydd a threfnu cyfarfodydd ychwanegol.

- 4.3 Mae angen i'r pwyllgor chwarae nifer o swyddogaeth o fewn y broses:

- Darparu trosolwg o'r broses a sicrhau ei fod ar y trywydd cywir i ddarparu arbedion
- Cael cip ymlaen llaw ar gynigion cyn gweithdai, cael eglurhad a dealltwriaeth o'r cynigion
- Rhoi cyfeiriad ynglŷn ag unrhyw faterion a godir

- Sicrhau y gweithredir ar adborth o weithdai
- Adolygu'r broses unwaith y pennir y gyllideb

4.4 Mae gan aelodau o'r pwyllgor rôl i'w chwarae hefyd i sicrhau bod eu grwpiau priodol yn cael eu briffio am y cynigion cyn y gweithdai, fel y gellir ystyried materion ymlaen llaw.

4.5 Mae'r atodiad yn dangos yr amlinelliad eang ar gyfer pob gweithdy a byddai'r rhain yn ffurfio'r sail ar gyfer adroddiadau Llywodraethu Corfforaethol.

5. Sut mae'r penderfyniad yn cyfrannu at y Blaenoriaethau Corfforaethol?

5.1 Mae gweithredu'r Cynllun Corfforaethol yn dibynnu ar nodi cyllid i dalu am y cynlluniau sydd ynddo.

6. Beth fydd yn ei gostio a sut bydd yn effeithio ar wasanaethau eraill?

6.1 Nid oes unrhyw oblygiadau yn codi o'r cynigion

7. Beth yw prif gasgliadau'r Asesiad o Effaith ar Gydraddoldeb a gynhaliwyd am y penderfyniad?

Ni chynhaliwyd Asesiad o Effaith ar Gydraddoldeb oherwydd nad yw'n berthnasol. Cynhelir Asesiadau Effaith ar Gydraddoldeb ar gynigion penodol lle bo'n briodol.

8. Pa ymgynghoriadau a gynhaliwyd gydag Archwilio ac eraill?

Trafodwyd y cynnig hwn mewn sesiwn flaenorol o friffio'r Cyngor

9. Datganiad y Prif Swyddog Cyllid

Mae'n bwysig bod gan y Cyngor broses pennu cyllideb gadarn a bod aelodau'n archwilio'r cynigion yn briodol.

10. Pa risgiau sy'n bodoli ac a oes unrhyw beth y gallwn ei wneud i'w lleihau?

10.1 Dylunnir y cynigion hyn i leihau'r risg o broblemau'n codi yn ystod y broses o bennu'r gyllideb.

11. Pŵer i wneud y Penderfyniad

11.1 O dan adran 151 Deddf Llywodraeth Leol 1972, rhaid i'r Cyngor wneud trefniadau priodol ar gyfer rheoli ei gyllid yn gywir.

Swyddogion Cyswilt:
706140

Pennaeth Cyllid ac Asedau

Ffôn:

01824